




A photograph of a tropical village street scene. In the foreground, a massive pile of trash, including plastic bags, boxes, and containers, sits on a grassy area. In the background, there are several simple buildings with corrugated roofs and palm trees. The overall scene suggests environmental pollution.

TUMAS DOTI OLBAOT

WAN SMOLBAG THEATRE

1



2

Meriam!
Yumi mas winim
competition ia!



1

3

Oli stap
sakem doti olbaot!
Fasin ia i mas
stop!

Oli stap
spolem ples,
jif!



4

Yumi nidim wan
man o wan woman we i
save stopem fasin ia blong
sakem doti olbaot!
Yu ia nao!

Mi!?
Mi no inaf!



5



6



7

Tangkiu tumas
blong kam, Brian.
Mifala i reli nidim
help blong yu.

Hemi save
kakae man?!

RAF!
RAF!

Bae yumi
mekem wan
waste audit,
jif.

Wan wanem?!

8

Bae yumi
singaotem sam man
blong pikimap doti. Bae
yumi luk wanem kaen doti
hemi bigwan bitim ol
narafala doti.

Bae yumi
pikimap ol doti long
saed saed blong rod
ia, afta bae yumi kam
tugeta long stej
longwe.



11

Yumi save
klinim tede, be
tomoro bae ol man
i sakem doti
bakegen!

Mi les! I
hot tumas!



Gud ia! Yufala
mekem bigfala wok!
Nao, sakemaot evri
doti aot long bag.

12



Oli sakem ol doti aot long ol bag nao. I gat fulap doti tumas!



From wanem nao
yumi stap sakemaot doti
ia aot long ol bag?!


Westem taem
blong pikimap!



Bae yumi faenamaot
wanem kaen doti hemi bigwan
bitim ol narafala doti! Putum ol plastic
botel wan ples, ol loli stik mo pepa blong
loli, biskit mo twistie wan ples, ol tekaway
kontena wan ples. Ol lif mo gras
mo pepa wan ples.



Oli separatem ol doti long ol difren hip.



Ino gud blong
sakem doti blong
garen mo doti blong kakae
long ol yalo bag ia.
From wanem?



Lif mo gras
i save roten.

Yu yes!
Yu save sakem
long garen o mekem
kompos aot long hem.
Sevem mane, **NO** fulumap
doti blong kakae o
garen long yalo
bag.



Gras mo lif bae
i lus long 2 o 3 wik.
Be olsem wanem long
plastik tekaway kontena ia,
bae i tekem hamas yia
bifo i save lus?

5 yia?



Wanem kaen
doti i bigwan
bitim ol naraefala
kaen doti?

Ol lolit stik oli
plante tumas...mo
ol plastic botel




21

Plastic botel
ia i save roten?



22

Taem blong bigfala ren, bae i flot kasem solwora. Wev mo san bae i brekem i go
doan long ol smolsmol pisis, we fis o nara animol i save kakae. Ale bae yumi kakae.



Bae yumi
bonem! Bae
i lus!


Smok blong
plastic hemi denja. I
save mekem man i kasem
asthma o kansa. No
bonem plastic!



Yumi save karem
ol botel ia i go long kava
bar. Bae oli pem 20 datu
long wan wan botel!

Gudfala tingting
wan taem!





Yufala karemaot
fulap doti long saed
blong rod! Be hao nao
bae yumi stopem ol man
blong no sakem
doti olbaot?



Yufala ol pikinini
yu stap kakae ol loli,
mo sakem plastic pepa mo
ol stik ia olbaot. Bae yu
save stop nao?


YES!!!



Oli talemaot long stoakipa se hemi mas
putum wan tin doti aotsaed long stoaw.

Bae i gud sipos
yu gat wan tin doti
o wan boxis aotsaed
long stoaw ia.

YES!
LUK!



Yumi evriwan
i mas help blong
kipim ples i klin
oltaem.



ALE
TATA!!!



Mo naoia, ples i klin we i klin! Yu save mekem se ples blong
yu i klin olsem? Bae yu stop blong sakem doti olbaot?



WAN SMOLBAG THEATRE

TUMAS DOTI OLBAOT

Written by:
JO DORRAS

Illustrations:
DENNY KAIO

Layout & Graphics:
ANDREW TATALELE

©Wan Smolbag Theatre
P.O. Box 1024
Port Vila, Vanuatu
Phone: (+678) 27119
Fax: (+678) 25592
Email: info@wansmolbag.org
Wan Smolbag Theatre 2025

Made Possible with Assistance and Funding From



SPREP
Secretariat of the Pacific Regional
Environment Programme



ISBN 978-982-9075-76-5

Wan Smolbag Theatre is Core Funded By

